

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Na osnovu člana 4. Odluke o utvrđivanju uslova, kriterija i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih broj: 02/1-05-23223/14 od 21.10.2014. godine, Vlada Tuzlanskog kantona, raspisuje

JAVNI POZIV
za raspodjelu sredstava sa potrošačke jedinice 11010024-
subvencioniranje kamata za stambeno zbrinjavanje mladih

I

Raspisuje se Javni poziv za raspodjelu sredstava sa potrošačke jedinice 11010024 - subvencioniranje kamata za stambeno zbrinjavanje mladih za 2014. godinu (u daljem tekstu: Javni poziv).

Raspodjela sredstava za subvencioniranje kamata za stambeno zbrinjavanje mladih vršit će se u skladu sa Budžetom Tuzlanskog kantona za 2014. godinu i Zakonom o izvršenju Budžeta Tuzlanskog kantona za 2014. godinu, u ukupnom iznosu do 50.000,00 KM.

Dodjela sredstava za subvencioniranje kamata za stambeno zbrinjavanje mladih vršit će se u skladu sa odredbama Odluke o utvrđivanju uslova, kriterija i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih (u daljem tekstu: Odluka).

II

Pod subvencioniranjem kamata podrazumijeva se odobravanje novčanih sredstava na ime kamata za odobrene kredite za rješavanje stambenih potreba mladih.

Pod rješavanjem stambenih potreba mladih podrazumijeva se kupovina stana/kuće, rekonstrukcija, adaptacija stambenog prostora, izgradnja kuće ili nadziđivanje kolektivnog stambenog objekta.

Članovima porodičnog domaćinstva u smislu Odluke smatraju se bračni pratner, vanbračni partner (shodno odredbi člana 3. Porodičnog zakona Federacije Bosne i Hercegovine), djeca rođena u braku i van braka, usvojenici i pastorčad.

Invalidom, odnosno članom porodice šehida, poginulog, umrlog, nestalog branioca i umrlog ratnog vojnog invalida u smislu Odluke smatra se aktivni korisnik prava na invalidninu, na osnovu konačnog rješenja nadležnog organa izdatog u skladu sa važećim federalnim propisima.

Dobitnikom ratnog priznanja i odlikovanja u smislu Odluke smatra se lice iz člana 2. Zakona o posebnim pravima dobitnika ratnih priznanja i odlikovanja i članova njihove porodice („Službene novine Federacije Bosne i Hercegovine“, broj: 70/05).

III

Uslovi koje podnosilac prijave za dodjelu sredstava mora ispunjavati su:

- a) da ima manje od navršениh 35 godina života u godini u kojoj podnosi prijavu,
- b) da je državljanin Bosne i Hercegovine,
- c) da ima mjesto prebivališta na području Tuzlanskog kantona,
- d) da nema riješeno stambeno pitanje na teritoriji Bosne i Hercegovine,

- e) da posjeduje Ugovor sa bankom o namjenskom kreditu za stambeno zbrinjavanje,
- f) da do momenta podnošenja prijave ima urednu otplatu kredita prema Planu otplate,
- g) da u prethodnim godinama nije bio korisnik sredstava za subvencioniranje kamata za stambeno zbrinjavanje mladih.

IV

Kriteriji za bodovanje i utvrđivanje reda prvenstva podnosioca prijave su:

- a) stručna sprema,
- b) priznati uspjesi u oblasti nauke, umjetnosti, sporta i kulture,
- c) status po osnovu boračko invalidske i socijalne zaštite, i to:
 - 1) član porodice šehida, poginulog, umrlog, nestalog borca i umrlog ratnog vojnog invalida,
 - 2) stepen invalidnosti,
 - 3) dobitnici ratnih priznanja i odlikovanja,
 - 4) učešće u oružanim snagama,
- d) broj članova porodičnog domaćinstva,
- e) zajednička prijava bračnih partnera.

U okviru kategorije stručna sprema, podnosilac prijave može ostvariti i dodatne bodove po osnovu školskih priznanja, i to:

- a) učenik generacije srednje škole,
- b) najviše priznanje univerziteta/Zlatna plaketa univerziteta.

V

Uz obrazac prijave koji se može preuzeti na web stranici Vlade Tuzlanskog kantona (www.vladatk.kim.ba) ili na pisarnici Ureda za zajedničke poslove kantonalnih organa, podnosilac prijave prilaže u originalu ili ovjerenj kopiji slijedeću dokumentaciju:

OBAVEZNA DOKUMENTACIJA

Redni broj:	Naziv dokumenta	Nadležni organ/Institucija
1.	CIPS obrazac PBA1 ili PBA3 ne stariji od 30 dana	Ministarstvo unutrašnjih poslova
2.	Izjava – kućna lista ne starija od 30 dana	Ovjera izvršena od strane nadležne općinske službe ili notara
3.	Izjava podnosioca prijave da on ili članovi porodičnog domaćinstva nisu nosioci stanarskog prava, vlasnici stana ili useljive porodične kuće na teritoriji Bosne i Hercegovine do dana zaključenja ugovora o kreditu za stambeno zbrinjavanje (izjava treba da sadrži navedenu definiciju u cjelosti)	Ovjera izvršena od strane nadležne općinske službe ili notara
4.	Ugovor sa bankom o namjenskom kreditu za stambeno zbrinjavanje sa Planom otplate kredita	Banka
5.	Potvrda da do momenta podnošenja prijave postoji uredna otplata kredita (treba da sadrži i slijedeće podatke: ime i prezime podnosioca prijave, JMBG, broj ugovora o namjenskom kreditu za stambeno zbrinjavanje, broj banke i broj partije podnosioca prijave)	Banka
6.	Izvod iz matične knjige vjenčanih	Nadležna općinska služba
7.	Izjava o postojanju vanbračne zajednice u periodu dužem od tri godine, ukoliko nema zajednički stečene djece, potvrđena od strane dva svjedoka	Ovjera izvršena od strane nadležne općinske službe ili notara

NAPOMENA: Dokumentaciju pod tačkom 4. Obavezne dokumentacije, podnosilac prijave predaje u neovjerenj kopiji. Podnosioci prijave koji budu obuhvaćeni Programom raspodjele sredstava, dužni su u roku od tri dana tražene dokumente

dostaviti u originalu ili ovjerenj kopiji. Dokumentaciju pod tačkom 6. i 7. dostaviti samo ako se bračni ili vanbračni partner nalazi na kućnoj listi)

DOKUMENTACIJA ZA BODOVANJE PRIJAVE

Redni broj:	Naziv dokumenta	Nadležni organ/Institucija
1.	Dokaz o stručnoj spremi (Diploma, Uvjerenje, Svjedodžba)	Nadležna obrazovna ustanova <u>Napomena:</u> Ukoliko se radi o inostranoj obrazovnoj ispravi, podnosilac prijave obavezan je uz ovjerenu kopiju iste dostaviti i odgovarajuće rješenje o nostrifikaciji, odnosno stručnom priznavanju, izdato od strane nadležnog Ministarstva.
2.	Dokaz o školskim priznanjima (učenik generacije srednje škole, najviše priznanje univerziteta/Zlatna plaketa univerziteta)	Nadležna obrazovna ustanova
3.	Dokaz o postignutim uspjesima u oblasti nauke, umjetnosti, sporta i kulture	Sportski savez BiH ili granski sportski savez organizovan na nivou države, Akademija nauka i umjetnosti BiH, nadležna institucija koja je odobrila udžbenik za upotrebu u obrazovnim ustanovama. <u>Napomena:</u> Dokaz izdat od strane Sportskog saveza BiH ili granskog sportskog saveza organizovan na nivou države mora da sadrži podatke iz kojih se vidi da je 1, 2. ili 3. mjesto osvojeno na Olimpijskim ili Paraolimpijskim igrama, zvaničnim svjetskim ili evropskim prvenstvima organizovanim od strane krovnih međunarodnih asocijacija u odgovarajućoj oblasti sporta, odnosno da je 1, 2. ili 3. mjesto osvojeno na zvaničnim međunarodnim i državnim takmičenjima organizovanim od strane međunarodnih i državnih saveza članica Međunarodnog olimpijskog komiteta ili Sport Accorda.
4.	Za invalida, člana porodice šehida, poginulog, umrlog, nestalog branioca i umrlog ratnog invalida – rješenje o priznatom pravu na invalidninu	Nadležna služba boračko invalidske zaštite/Centar za socijalni rad
5.	Za dobitnika ratnog priznanja i odlikovanja – odgovarajuće Uvjerenje	Nadležni odjel odbrane ili organ koji je izdao priznanje
6.	Za demobilisanog branioca – Uvjerenje o plaćama pripadnika u OS ili drugo Uvjerenje koje izdaje nadležni odjel odbrane	Odjel odbrane
7.	Izjava o određivanju nosioca prijave (zajednička prijava)	

VI

Bračni partneri mogu se javiti na Javni poziv isključivo zajedničkom prijavom.

U slučaju da oba bračna partnera posjeduju ugovor o kreditu, potrebno je odrediti nosioca prijave i o istom dostaviti izjavu potpisanu od strane oba bračna partnera.

Nosilac prijave obavezno i za bračnog partnera dostavlja dokumentaciju o ispunjavanju uslova propisanih Odlukom, osim dokumentacije iz tačke V obavezne dokumentacije.

Broju bodova koje ostvari nosilac prijave dodaje se jedna trećina bodova koje ostvari njegov bračni partner.

VII

Dodjela sredstava vršit će se po utvrđenoj rang listi koju sačinjava Komisija, nakon okončanja postupka bodovanja prijava po svakom od kriterija za bodovanje utvrđenih tačkom IV ovog javnog poziva, do visine raspoloživih sredstava planiranih u Budžetu Tuzlanskog kantona za 2014. godinu.

Pojedinačni iznos sredstava na ime subvencioniranja kamata jednak je ukupnom iznosu kamate obračunate u 12 uzastopnih mjesečnih rata prema Planu otplate, počev od 01.01.2015. godine, s tim da pojedinačni iznos sredstava ne može preći iznos od 3.000,00 KM.

U slučaju jednakog broja bodova prednost na rang listi se daje podnosiocu prijave koji je ostvario veći broj bodova prema redosljedu kriterija iz tačke IV ovog javnog poziva.

U slučaju jednakog broja bodova i nakon primjene kriterija iz prethodnog stava, prednost na rang listi se daje podnosiocu prijave koji ima veći iznos ukupno preostale kamate za vraćanje na dan zaključenja javnog poziva.

VIII

Javni poziv se objavljuje u dnevnim novinama „Dnevni avaz“, Radio-televiziji Tuzlanskog kantona i na zvaničnoj web stranici Vlade Tuzlanskog kantona.

Prijave na Javni poziv se dostavljaju u roku od 15 dana od dana objavljivanja u dnevnim novinama.

Prijave na Javni poziv sa potrebnom dokumentacijom mogu se slati preporučeno putem pošte ili predati neposredno na pisarnicu Ureda za zajedničke poslove kantonalnih organa, u zatvorenoj koverti, na adresu:

Vlada Tuzlanskog kantona
Komisija za provođenje javnog poziva
Rudarska 57
75000 Tuzla
sa naznakom

„Prijava na javni poziv za raspodjelu sredstava sa potrošačke jedinice 11010024 - subvencioniranje kamata za stambeno zbrinjavanje mladih – NE OTVARATI“

Neblagovremene ili nepotpune prijave neće biti razmatrane.